

檀巢集卷之二 目錄

百六哀吟 并序

送老庵

六青軒

散襟軒

瞻栢堂

三洲

百洲

圃北

洛誦樓



華陰洞

伯氏

仲氏

竹醉兄 濟謙

誠仲 純行

李士安 器之

閔士元 遇洙

觀復兄 崇謙

濟大 用謙

彥明兄 好謙

洪夏瑞 龜林

李士復 喜之

遺民 逸謙

恭仲 亨謙

俞子恭 甫基

信仲 正行

呂士信 命周

澹澹亭 鴻

學古 明行

安慎甫 相微

仲晦兄 廷煥

閔聖會 啓洙

閔士衛 翼洙 昌洙

閔長洲 亨洙

李于厚 德載

金德老 鎮成

吳伯玉 瑗

金德暉 光澤

金雨啓 龍澤

俞叔範 度基

李仁甫 岳鎮

魯瞻 恭行

洪義瑞 龍祿

李士晦 顯之

紀有衡元

李子安 國輔

士和四兄弟 時侃時翰時筦時繁

李希文兄弟 勉之述之

士常 時叢

仲明五兄弟 時哲時述時吉時訥時逸

金聖脩 遠林

禹一卿兄弟 世一世準

金太伯 鎮商

趙益甫三兄弟 鼎彬觀彬諱彬

尹老彭 志述

金伯雨 春澤

仲行致仲 雲澤民澤

洪惠伯 啓迪

寒圃齋 李健命

趙相國 恭未

遂庵 權尚夏

丈巖 鄭澔

芝村 李喜朝

申判書 鉉

閔判書 鎮遠

李判書 觀命

李判書 宜顯

任判書 墜

宋判書 相琦

陶庵 李穉

李弘述

尹愨 金時泰

玄德明

李命龍

崔進暹

崔居士

雄師

李淳昌 益命

竹泉 金鎮圭

西川君 視

安負外練

雲岡臺時和

聾齋時保

趙尚州正萬

楊澄

程洪

疎齋李順命

舅氏杓

盛全叔

文化兄養謙

文義兄致謙

敦甫兄厚謙

文行

益謙

甲謙兄弟

士三省行

峻行連行垣行

元行

由行

李鳳祥

老嫗

乳母

季母

外姑

鳳內

稚甲

室人

自詠

## 檀巢集卷之二

## 百六哀吟并序

余自酷禍以來萬事不八心久矣踰嶺時畧收書籍而來時復展讀而亦無以自慰况衰麻去身穹壤益廓然忽々芒々只覺此生之為苦而無所告訴關塞早涼夜長無眠骨肉親知森然於心目李擇之所謂天禍人殃已覺殆盡者又是今日事也新哀滯思之散自成韻語遂以七絕一首屬一人或屬數人谷雲先生以上謹書所居自餘季母伯仲氏外名號官爵惟意欲書

而名曰百六哀吟以值陽九之數也每篇必係小序者欲使兒小異日知其出處行蹟而余之所感特起於首今四五篇終於自味然其中間序次詳畧不拘少長貴賤亦不無意義後之君子有取其骨肉師友之間恩義篤焉而痛其世變之慘則蓋亦得之矣而此可為詩史焉爾甲辰九月上澣登州纍客書

## 送老庵

庵在未平白雲山下風珮洞先王考取老杜何時一茅屋避老白雲邊之語名焉屋成而未及

退故已巳諸父守廬于此庵之南追構小亭扁  
以冷、亦先王考所嘗命名者也葛稚川曰仙  
居求却花木長榮風珮泠泠洞陰清清洞與亭  
名出於此

名庵搖落白雲蟬花木空榮永却春明月磯頭啼血  
鳥倘知殉國未歸因

明月磯  
釣臺名

### 六青軒

軒在漢都白岳下先王考所居庭前列樹六冬  
青蓋應先人六尺筵也壬寅禍宅為瀦不遺一  
草

風流肯數謝家庭六樹森然傲雪青鳳逝龍顏無覓  
慶百年冤淚盡滄溟

### 散襟軒

先君卜居松溪殆三十年晚以老稼齋自號軒  
在齋之東蒔花理圃之暇愛讀陶詩多以此扁  
榜軒室散襟亦其中語也嘗曰伯氏太顯隆叔  
氏絕俗萬山中而反有名我則混跡於農圃與  
世相忘可謂行藏各遂其志而我道亦未必非  
陳迹庭闈念念非夢中人事尚平時他年遼鶴歸誰  
語慈竹孤松誠我悲



## 瞻栢堂

堂在平丘驛北隔溪望先王考墓即夢窩正堂也伯父以夢兆之驗移建木洞丙舍號曰夢窩作解以識之 肅廟朝拜相初又得一夢自國賜死受命之際忽瞻城甬其處似是城底星山日景象宛若夢中先生始說此夢

行箴禍福夢先知萬事由天不我私當日有人安社稷肯教墳栢竟含悲

## 三洲

仲父農巖先生以王母臨年為近省候自農巖出居溪陰三洲上晚成一屋號曰三山閣未幾下世閣廢為田但餘棗杏數樹

萬古空懸日月名三洲逝水自無情絃歌古宅春蕪遍病杏花時野老耕

## 百洲

叔父三洲先生既棄龍華三洲改占雪嶽百曲洲置未矢庵於高明峰南又於十二瀑下水簾洞中得一阜樹屋號以滅景余侍先生於山中凡四十餘日今餘一紀而如昨日事聞滅景尚不毀若加修葺奉安先生畫像募僧守護則當

為勝事不知早晚能成此計不梅月翁嘗棲此  
山五歲童子庵在永矢庵東閉門巖下

滅景庵空永矢哀水流人世桂花閑玉虬何處追梅

月鳳頂閑雲五色迴

鳳頂峰名  
五色嶺名

### 圃北

王母在世日第五叔父圃陰先生未嘗離側以  
是不遑有家晚買樊屋於司圃署北仍以自踰  
但有老杞一架蘼蕪數叢閉戶終年人不知其  
進德修業

一屢今已屬他人架祀庭蔕幾度春靜裡慙尤追昔

日益知誘導善諄諄

### 洛誦樓

季父以三淵先生為師大肆力於詩學作舍於  
白岳下名曰洛誦樓與數三同志日講其中年  
十八而卒嘗好讀荆軻傳登華山絕頂有揮拓  
八極之意

青霞竒氣出人羣搏虎捕龍何足云清廟管絃騷史  
筆九原應復共師論

### 華陰洞

華陰洞在壽春谷雲從大父谷雲先生始作龍

水亭於洞外晚占洞裡自然室清夢樓松風亭  
 三一亭不知庵有知庵後先而成有知庵則揭  
 諸葛武侯梅月翁畫像所以寓慕也經史子集  
 仙佛雜錄區別左右架籤井井又寫一山諸勝  
 名曰谷雲圖分屬子姪題味已已以後先生罕  
 出山日與林僧樵叟忘形逍遙而間用詩消遣  
 身世之感三淵公嘗勸者寒山子詩自是深悟  
 妙機云三淵公既自百淵移此又作博厚室宛  
 在亭於洞口致亦絕勝有知庵已廢武侯梅月  
 像今移清夢樓

漠漠雲棲是太初梅花流水似茶餘閑中鼾睡忘今  
 古畫裡神交合近跡

太初谷名

伯氏

伯氏得貞疾長卧一室思與親友言志論文而  
 終歲罕有過者只以書籍吟咏遣日三十四卒  
 寂寞吟呻三十春一園花鳥是親賓榮枯生死知誰  
 勝免作今朝嶺海人

仲氏

壬寅八月吾兄第哀麻辭墓行至金化省昌驛  
 狎卒咆哮督迫仲氏先行踰嶺分手之情鬼神

亦泣登州幸隣鶴林不過一日程然一月僅得  
一兩書祥禫已畢而不得同哭此何人理

三年血淚不曾乾鶴海烏山望眼寒安得花源携手

去一床長日對相看

鳥鴨山  
在登州

### 竹醉兄

名濟謙字必亨竹醉日生仍以自號魁進士登  
第至承旨性直志確多才藝但不甚求道見事  
遲長余十三歲英吾兄弟相愛甚於同胞壬寅  
自蔚山謫所被逮目見長兒省行杖死又於獄  
中間伯父遇禍中路始論減死竄富寧是年八

月遇害謫中寄書羣從親友告訣處置後事甚  
從容死時身繞電光者三公逮末時余迎於醴  
川水山驛夜半潛徂路側手傳寸紙附耳曰伯  
父亦被逮語未半為緹騎所逐各認吞聲之音  
不辨顏色每思之迸血八北日送至伯父墓前  
痛哭分手九月余竄登州嫂氏宋夫人與諸孤  
扶襯過去余與妻子出南門驛櫛文哭送未幾  
夢公甯還京第與數三知友談笑若平日公賦  
七絕一首只記其下半一句霞珮未寒春意動  
人間復亂浪花生此必有所指而未能解右可

悲也

曉雨維顏馬井山秋風歸櫬鬼門關春意浪花俱寂  
寞欲從霞珮泐難攀

誠仲

名純行自彌孳翁聾齋兄時保之子仙源先生  
五代孫有孝行嘗受學於淵圃而先生善教微  
旨自幼激昂志尚不苟——但嫉惡過而太  
察人情偽間用機數最為伯父所愛庚子以後  
慨然欲為國一死建儲後月餘死死時事識者痛  
心與吾兄弟莫逆每謂余曰墓文必善作使後  
人知我長余十歲嘗為報恩縣監

崑岡烈焰詎逃焚玉顏高風未解紛地下共誰論近  
事祗應銘墓待吾文

士安

名器之自彌一庵白江曾孫西浦金公萬重外  
孫魁進士長余三歲自幼志文章事業而才力  
亦大但意欲多而好主張然能知古今聖賢英  
雄必務舍己從人之道壬寅春自其大人踈齋  
公謫所赴配南原已而被逮到水原寄書於余  
死時又有書托以眷屬及踈齋公行狀又屬渠

之墓表自述為人紙僅掌大而字畫如貫珠然  
不少亂拷掠垂死之日神情如此其人亦可知  
又寄書母夫人與諸妹妻兒告訣死以五月五  
日時年三十三未死前聞大人到漢江遇禍作  
祭文出送使其子鳳祥讀之柩前其辭絕悲死  
數日顏色若生

忍說黃沙血字傳楚醒沉日賈生年清湘百尺還堪  
快幾為投書枉泣然

士元

名遇洙閔尚書鎮厚之子占生員少余一歲志  
操貞潔行誼淳謹其能詞翰猶是餘事但囿於  
家法之羨不欲見昭曠之原然今日惟此友在  
世壬寅余誤聞逮報手書後事授妻子以甲兒  
托士元

一札傳來兩度秋嶺雲湖樹路悠悠此身生死憑誰  
報他日妻兒累爾憂

觀復兄

名崇謙字君山自踰觀復齋年十九死余幼不  
及從遊然尚記其撫頂風采談笑非塵世人也  
使其在者余托知己而兄亦不棄余也平生酷

愛老杜豈死或相從耶

宇宙風流久寂寥十洲仙侶定招邀憑君願說幾州  
老涕淚輕揮寶曆朝

濟大

名用謙少余九歲峻潔平實但欠沉靜然無世  
俗難言之病初圃陰先生久無子欲以余為后  
先生四十後忽得濟大人以為誠孝之報壬寅  
安置全州叔母同往

稻魚易辨瘴烟輕也識生涯勝在京將母莫嘆同鐵  
漢五州衰累羨君行

彥明兄

名好謙竹醉公第愷悌不岐十九病卒沁都最  
愛余

清標尚記沁州歌素海茫茫淚是波早死太平曾枉  
恨九泉今日羨無咄

夏瑞

名龜祚洪叅判璫之子占進士長余十歲清明  
雅潔有孝友行三十四卒言論文彩不復見此  
人余以君氣弱而志不確勉攝養求心君亦不  
以余之愚蒙不加規警而相期不淺

秋水精神玉絕瑕朗然高咏楚喉多春樽倚谷看花  
句夜雨終南避世歌

士復

名喜之自踰困齋士安從兄於余為中表才高  
氣銳少檢束然子諒愛人持論公而喜急難壬  
寅杖死死時托余以詩文死後數月八余夢余  
曰舉世以輕薄咎兄余亦云云然今世知兄心  
事者惟余一人笑而流淚曰君言是矣禍作日  
母夫人及妻鄭投江而死一女未晬坐流北裔  
押卒流涕曰此兒奚罪云

洙泗寥々黃綺歲才奇漫學卓吾狂濺袍枯栢渾閒  
血舞彩清都一笑長

遺民

名逸謙從叔父文學公子谷雲大父之孫少余  
一歲有盲疾然識見通達可與議事常欲為善  
言行不苟三淵先生甚愛重許與二十六死無  
子

卓識何難達古今滔々叔世反盲心當年刺得先生  
與莫向荒原飲恨深

恭仲



名亨諱從叔父載寧公第二子退憂大父之孫  
 少余一歲幼時與余同學圃陰先生英氣勃勃  
 諸父期趾先烈十七病死臨陂官舍世傳困於  
 妖祟語多爽實

果銳精華有自來靳然頭角儘英才江南一疾知何  
 祟痛矣旨風玉樹摧

子恭

名肅基俞尚書命確之子占進士聰達夙成嘗  
 受學於三洲先生每與言下輒悟遽於經學又  
 善應事接物但少流循少余三歲

邇來為學問如何只在榮根晦息多名高馬鄭終何  
 用跡賤顏黃未足嗟

信仲

名正行監司兄時傑之子誠仲從兄瑞慤靜拙  
 與吾兄弟甚善楓溪心臺之間文酒團聚殆十餘  
 年哭誠仲未幾吾兄弟遇大禍竄北裔今年得  
 渠書亦流落湖海之間一子早死只賴良助為  
 生三洲叔父嘗贖其書辭條暢

無家無子但棲棲饑食寒衣仰病妻渤海湖雲同憶  
 慶木蓮花蔽舊楓溪

士新

名命周呂錦山必寬之子進士直長有行誼自幼志學往來圃陔叔父門下又從三淵叔父講論往々數前人所未數多被獎許然叔父嘗曰聰明識解今世罕儔死但不無急迫之病恐妨遠到長余四歲托契不淺

藍田邃識伯豐才獨被先生許與來一自心菴人去後百年懷抱待君開

澹澹亭

儒川君名澗字深源我外祖從翁豪放穎悟於藝鮮不能肅廟朝醫聖疾受御製貂裘之賜嘗愛安平澹澹亭古基作舍居焉辛卯春余讀書龍湖公每送小舟邀去一夕留宿余先醉眠公忽跳起而坐悄無人聲江月窺簾慨然流涕曰聖上賓天則所謂老論黨人當盡死國隨蹶矣我於數年前獨覘其幾將奈何今日其言無不符獨其時救時之策一不得試惜哉病酒早卒年四十五與余為忘年交而至親不知

筆法清之行深源軒岐餘事荷隆恩扁舟載我龍湖

去可忘風櫬攬滌言

深源朱溪君名

## 學古

名明行臨陂縣監時澤之子仙源先生五代孫  
 有行誼爽邁好義喜標致嘗受學於三洲先生  
 舉進士晚為齋陵叅奉遺厲客死年四十一無  
 子誠仲與子為后嘗操文哭于鰲頭舊宅

湖海秋風哭總帷滿園青竹想題詩泉臺幾與摯翁  
 見應侍先生念我悲

## 慎甫

名相徽安負外統之子長余二歲馴善無伎不  
 設畦畛與人交終始如一與余同里聞自幼遊  
 從情誼甚摯多讀書善程文而輒屈塲屋近聞  
 遭內艱可伶

末路淳情獨見君韋編千讀亦超羣賢翁莫嘆騫騰  
 晚此子終非類隱蒼

## 仲晦兄

名廷煥舅氏林原君仲子也長余七歲余自幼  
 追隨兄弟之間而羨其三樂年三十四卒卒時  
 有三子今餘一兒禍故以來漠然相忘前冬忽  
 入夢手握刀含淚欲語而還吞其情若有憤懣  
 不可與外人言者然後得仲氏書亦同時入夢

事又彷彿良可異也其內趙相國恭采之女見  
惡夫之嫁夫之黨竄黑山島

國恭家和是太平班衣棣萼見深情悽顏並入窮荒  
夢何事偏尋我弟兄

### 聖會

聖源名啓洙閔相公鎮長之子曾為縣監五十  
死士會名昌洙閔尚書鎮遠之子耿介自好曾  
為教官俱伯父女婿各有一兒甚秀

聖源五十曾非夫士會身名莫厭卑玉雪西郎俱可  
念吾家宅相在於斯

### 士衛

名翼洙士元之兄官洗馬克守家法才優經綸  
同遊塲屋甚久乙未春夏出蕩春臺并讀莊子  
有酬唱詩十餘篇

千讀南華十律吟春臺舒日太平音殘生萬念都灰  
久此會猶明過去心

### 長淵

士長名亨洙舉生負士淵名通洙魁生負皆士  
會之弟也士長羨風儀嘗從三淵叔父受書然  
誠仲言其止欲為世俗所謂好人不思進修士

淵樂易少余三歲自幼同遊

難弟難兄世世云蔚然喬木尚叅雲匡時又是吾人  
責取友須先直諒聞

子厚

名德載李黃州徵夏之子清江五代孫三淵叔  
父女婿也有識慮優於幹事但好雜術服勤叔  
父無異子姓聞壬寅以來混於釣徒有時乘小  
舟飄然而出夜久忘還云  
散髮扁舟把釣竿一簑風露夜深寒知君不是桐江  
興莫向塵寰遽裂冠

德老

名鎮成沙溪四世孫疎翁甥姪也清明介直愛  
好人倫庚寅冬余就其室讀大學一月餘言論  
多可聽早孤抱奇疾有志不遂哭母妻未幾繼  
歿年纔三十七無子余嘗怜其窮後來被禍諸  
友有羨於德老者多世寢之惜至此極矣

黃叅橋畔寢園陰玄晏幽愁閉戶深禁漏聲沉微月  
白寒梅花下細論心

伯玉

名瑗吳金城晉周之子出后海昌都尉恭周農

巖仲父外孫也能文好議論姊氏嘗以聰慧愛  
文史志氣高潔為仲父所愛重二十二婉伯玉  
而旋歿余亦墮地甫廿日失時俱不識慈顏以  
此尤相憐竹醉公遇禍北塞伯玉出資募舁人  
返襯數千里吾兄弟竄北時恐俱死荒裔而子  
孫失先墓余作短表托伯玉鏤石率踐其諾  
莫省慈顏痛共深遺風尚見復齋襟臨分為托瀧阡  
刻亦體先君愛爾心

德暉

名光澤金忠州鎮華子祖西浦公萬重長余八  
歲與余進士同年貌癯而近古志邁而免俗少  
機數最長於科詩能三清洞白蓮峰下作舍而  
居蕭然有出塵之意壬寅其兄德雨被慘禍坐  
流長髻未及收屍而去余在星州聞君行已過  
烏嶺死生不復聞今為三年矣

不為滄素愛此心瘴烟何處淚痕深白蓮峰下圍碁  
迹流水寒松夢獨尋

兩啓

德雨名龍澤德暉兄啓元名天紀李叅判思求  
之子俱慷慨喜事常欲殉國壬寅濫刑不誣凶

賊又皆戮屍德雨妻李與二子一女屬泗川郡  
長子大材為人靖明可愛十八坐死啓元無子  
有八十老母妻宋判書相琦之女屬樂安郡  
不識人間有赤明名園文酒百年情餘生尚阻黃壚  
望獨卧窮溟白髮生

叔範

名度基俞監役命賚之子聰達精敏有文藝今  
年始得一書如薊色笑自言無疾苦且曰聞君  
鬚髮白數莖嗚呼安得不然蓋哀我之衰也禱  
中忽得凶聞人生若是脆耶我則求死不得而  
君何易也今日朋友之在世者惟一二至君而  
殆盡矣

深情別問鬚鬚摧哀卧翻同手字來良友世間無可  
繼化翁何處更猜才

仁甫

名岳鎮澤堂曾孫李察訪菑子與余進士同年  
端厚精明若可以繼其先烈而二十八患痘死  
同遊塲屋相得殊深辛丑夏會三清洞德暉宅  
飲酒而別不復見

澤老遺風有可觀嘗期鸞鷲峙朝端三清不別成千

古何日蓬萊更笑者

曾瞻

名恭行甌山凡時和子仙源先生五代孫恬慤  
有藝常在家看書罕出八親舊戲謂之書積長

余六歲

嶽麓秋光晒腹書閉門終歲訪人踈青軒咫尺餘灰  
劫若為徑過每沾裾

羲瑞

名龍祚夏瑞之弟好善善言論登第為綾州牧  
使壬寅竄總城

渤海門江撼枕聲雪山無極鴈無情同流韜域三千  
里地濶猶難問死生

士晦

名顯之李淳昌益命子士安從兄於余為中表  
以出繼免坐在家為人雅靖多才藝曾為司評  
死別生離捻淚痕盈天盈地孰非冤存身儘有無窮  
青靜裡須看洛連言

紀有衡元

大紀名昌漢永安都尉四世孫曾祖校理洪萬  
衡聰穎可愛少余五歲有道名大源叅議朴師



益之子閔相公鎮長外孫氣貌雅淡衡輔名埜  
 昂元固名壘汾崖申判書之孫驪陽府院君外  
 孫兄端良昂有志氣甲午夏會齋洞做科詩  
 大紀多情有道清更憐元固志優兄謹詳藝苑渾如  
 昨回首西風寡鶴鳴

子安

名國輔父命臣曾祖東里李尚書殷相齟齬時  
 始見蓮谷甚可愛及長精明雅飭愈不可忘  
 撫頂蓮池若隔晨頎然七尺眼中人朝花夜燭謹詳  
 地鬼燐昏禽幾傷神

士和四兄弟

伯名時侃字士和與余同年生月少後余仲名  
 時翰字士鷹叔時筦字汝仲李時粲字稚明舉  
 進士仙源先生四代孫殷栗縣監盛道之子介  
 直淳良兄弟友愛同居洪州鰲頭惟以耕讀為事  
 戶外鰲湖一曲清塤麓即是讀書聲如生漢代求賢  
 日豈遣春來海岸耕

希文兄弟

希文名勉之弟名述之字孝善寒圃相公子伯  
 恬靖仲淳愿寒圃公遇禍于羅老島引向德山

路中聞挈報既渴葬同日就死妻兒皆流遠郡  
萬古寃深北海兒一心忠孝是佳兒同歸固願泉臺  
侍其奈副讐待蘋兒

士常

名時發仙源先生四代孫侍直公盛益之長子  
為人亢直好勝有氣槩曾為縣監壬寅以橫逆  
入獄而朋知骨肉死於濫刑君見其始終凶賊  
必欲殺之榜笞三歲終不死妻李卽余之妻兄  
也妻言嘗愛讀離騷自悼賦至是以君之罹禍  
由於其大人事自分殉死每夜齋沐禱北宸三  
年不少怠豈或感天歟

濫刑咫尺捨情親宛轉聲音日日新欲證昆灰君獨  
殿得無仍見海還塵

仲明五兄冢

仲明名時哲次時述次時吉次時訥次時逸士  
常之弟也壬寅皆謫湖南諸邑近以事移西南  
海島偏慈老病獨留湖西舊宅士常方困桁楊  
將死其情事不忍想仲明端慧其餘不曾從遊  
故不知其為人然友愛逾人云

列島滄溟巖若碁五纍歸夢幾相隨萱闈已暮園扉

冷故國書遲落日歌

聖脩

名遠祚金相國宇杭之孫其妻卽余之妻弟也  
壬寅禍不容於舅家獨其姑怜之然必欲自盡  
於是聖脩將其母妻避居于公州維鳩村一家  
力勸黜妻聖脩終不聽若棄父母忘恩義者聞  
聖脩夫妻之風宜愧死

鷄群一鶴意飄飄福地林泉遠世囂負死欺生能不  
愧鹿車牽處義偏饒

禹一卿兄弟

一卿名世一弟準卿名世準 世宗朝吏判禹  
希烈后裔南陽之六代孫兄慧而愛靜弟朴而  
有信一卿善彈琴每為感君恩曲嘗自言深於  
易學與余期背處講詩為連川縣監卒于官可  
惜準卿踰嶺後得一書方居忠州

玩易功深有古心弟兄湛樂付玄琴一麾未返田園  
死恨負清時細討尋

太白

名鎮商金叅判萬珠之子沙溪四代孫登第為  
持平好讀書有介操壬寅竄茂山北來入言到

謫後不出戶外有八十老母滯京口

倚柱跌深木客嚙壓頭長白不知春裁書若慰門閭  
望五嶺風高鴈又賓

益甫三兄弟

伯名鼎彬字重甫仲名觀彬字國甫益甫名謙  
彬趙相國恭來之子近聞伯竄耽羅仲竄羅老  
島李竄巨濟其情事可悲然視竹醉兄士安希  
文輩不翅有間

龍岑霜曉晚東南忽憶窮滇吊影三猶羨沃州承顧  
語幾多牢狴恨仍舍

老彭

名志述尹判官景績之子士元婦身也庚子以  
太學生論 肅宗誌文不宜略某人罪死事請  
改製配扶安旋放還辛丑冬凶黨首殺之時年  
二十六有一子壬辰十月余訪士元於老彭家  
識其面耿介可愛

識子終南小雪天清揚眉目尚森然浮生一死元多  
路難得千秋烈士憐

伯雨

名春澤金判書鎮龜長子世或言 聖奴復位

時不無輸忠之勞以此羣凶嘗畏惡而齟齬為其竒貨者殆三十年三就鞫四被竄而卒不死者 甫廟之仁也能文章嘗自評其文曰幅員浩大遜充翁法調雅馴遜谿谿谷若其氣格體裁吾不敢讓年四十八卒有一子壬寅流耽羅而死

知罪春秋魯叟言一生終荷 聖君恩文章自許谿尤並忠義誰同張董論

仲行致仲

仲行名雲澤叅判致仲名民澤校理伯雨三四弟也辛丑冬竄西塞壬寅後先逮獄皆杖死死時裒麻未除仲行年五十致仲四十五逮儲後益為凶黨所嫉

昨日人榮今日嗟死猶遂志有光華不知多少當時笑伯氏能無一咄耶

洪惠伯

名啓迪與竹醉公同年生 甫廟朝魁進士登第為大司憲早負名望建儲後益見仇嫉於羣凶竄黑山島壬寅九月逮獄被殺生母所后母年皆七十餘而無依有一子方在孩提云

東林聲望應山流，鬼蜮猶猜黑海囚。高穹不省雙親  
禱，又添冤淚積城丘。

### 寒圃齋

名健命字仲剛，自號寒圃齋。白江之孫，西河公  
第。二子。甫廟丙寅登第，官左議政。辛丑冬，以  
世第冊封，奏請使八燕。明年四月歸，安置羅老  
島。八月被戮，禍視三大臣最酷。而人莫有知其  
故者。臨死，草疏欲上而止。又作一詩，詩曰：許國  
丹心在，死生任彼蒼。孤臣今日慟，無面拜

先王。死時年六十。兩兒坐死，並藁葬于德山羅  
里嶺。近聞南州人爭傳島中徃徃有鬼哭而識  
者，以為訛也。但塚上草枯不生者二年。又時見  
長缸云。

匡海誰傳鬼哭深，玉欄歌笑侍花陰。流芳化碧應同  
滅，朱鳥長懸浴日心。

### 趙相國

名恭采，字幼亮。趙判書啓遠之孫。甫廟丙寅  
登第，官右議政。壬寅冬被禍，瑯島時年六十三。  
平生惡齷齪，善談諧。風采氣度彷彿江左。庚子  
五月來趾齋，閔判書喪次。時寒圃李相國丈巖

鄭判書李判書觀命李判書晚成皆在座公不勝悲慨曰及我 聖上在宥日得呈卒逝童子此豈易事也哉吾輩則不知死所早晚必當顛仆於嶺海雖欲羨此喪胡可得也聞者無不悽然掩抑未幾 肅廟賓天座中諸公無一得免而公與寒圃公禍尤酷追思其言益覺於悒臨死意氣安閑不少變云近有人傳一聯曰冤淚先朝三老相悲歌中夜一孤臣此公之島中作也詩亦悲絕可誦

江左風流是茂弘未聞蜂目肯相容齊名李杜真堪敬為想悲歌淚滿膺

### 遂庵

名尚夏字致道權執義格之子受學於允庵遂承嫡傳居清風黃江五十餘年多士歸嚮 肅廟朝以遺逸為左議政八十一卒壬寅凶黨追奪丙申秋余始謁於寒水齋問通書疑義六七處侍話四日自理氣同異之辨以至斯文是非源委典故得失靡不極論未乃及於復雪規畫余問曰若使當時便昂舉事之可成乎曰 孝廟嘗言九王及龍馬兩將用兵如神此胡在時

不可輕議但當教訓自強以待其喪龍馬死則  
至如仇良蓋輩不足畏也及龍馬死 孝廟益  
奮然欲有所為若天假之在宥七八年則豈但  
已也馬胡死於我境識者有言黃義州<sub>皓</sub>置毒  
殺之汗知幾微故雖不明言而假他事必殺黃  
公者為馬胡報讐也此後清胡敗歸寧古則必  
假道於我蓋聞自瀋陽走寧古路甚惡不若由  
昌城江界界上而行然則玩鶴狄踰諸嶺不可  
踈虞必置大鎮築城增備且以卿宰中有聲望  
者為都元帥鎮關西為急務廟堂固宜念及於  
此君其歸告尊伯父也別時告以再來不復拜  
至今耿々

逸老山林五十年典型衰季獨凝然江樓四日承清  
誨猶恨無多並世緣

鄭判書

名濬字仲淳號文巖松江四代孫 甫廟甲子  
通籍為吏曹判書壬寅在忠州樓巖出迎伯父  
歸觀操文慟哭以此凶黨竄之西塞未幾移新  
智島今年七十七丙申九月余與士元遊四郡  
歸路歷拜公出示充庵年譜論議激昂苦被勸



## 酒大醉

哲祖遺風世絕雙東人終未殺松江腸如鐵石顏紅  
玉正氣寧惟海鱗鱖

## 芝村

名喜朝字同甫靜觀齋李公之子退憂公女婿  
農巖仲父婦弟也受學於充庵 甫廟朝以遺  
逸為大司憲踰嶺後延聞遠竄靈巖矣今春忽  
得庶弟書移配西塞到定州告終逆旅有一子  
病淹京城奔喪云數年來先執之在世者零落  
殆盡感古悲今設位一慟

江南蘭佩隔靈芝要試先生正學時忽報丹旌闕塞  
返不知何日又西移 靈芝洞名

## 申判書

名鉉字和仲自號寒竹以文翰氣節見推於識  
者 甫廟丙寅登筭為禮曹判書壬寅疏論誣  
獄安置耽羅時年八十四矣先是其大人執義  
公命圭竄是島公常往來有一詩曰有時白日  
龍騰海無數青山馬八雲三淵叔父每加稱賞  
辛丑春余拜公於安國洞本筭論及時事公曰  
豈意我生將為亡國大夫乎慨然流涕

萬里風帆送獨醒  
九旬黃髮照南溟  
少年佳句猶能  
否龍馬詩成泣百靈

閔判書

名鎮遠字聖猷驪陽府院君第二子 甫廟丙寅柑魁官吏曹判書辛丑冬謫星州及伯父到此邑受命公來訣曰今日事當笑乎哭乎伯父曰笑則不近人情哭則近於婦人 東宮苟安吾輩死顧何恨仍相與命酌論古人殉節事公曰願公歸陪 黃廟殄滅羣凶奠安宗社伯父曰生既不能死何能為也寢後復來一慟哀動

傍人

笑語纔休哭徹穹  
死寃生憤一丹衷  
炎荒鬢髮今何似  
天定他時獨特公

李判書

名觀命字子賓寒圃公兄 甫廟己卯登第為吏判大提學壬寅坐寒圃公屬德川郡今春寄一書未知得達否也

窮山涕泣若為閑  
臨水看雲捻是哀  
遙想短簷青蠟  
夢却同賢李問安廻

李判書

名宜顯字德哉雱沙李相國世白之子於余為  
中表兄 甫廟甲戌登第為吏判壬寅竄雲山  
近聞不窺戶外終日讀書云伯父葬時臨穴慟  
哭如不欲生

江潭逐客漫行吟獨愛雲山有古心兀坐三年終日  
讀始知憂世較人深

任判書

名陸字大仲清白淳雅見稱一世六十三登第  
甫廟八耆社特畀正卿叅宴壬寅竄西塞聞今  
年卒於謫中年踰八旬符彩視聽如少年踈齋

相國嘗稱為地上仙

笑常啞啞步蹢躅疎老曾稱地上仙酌酌不聞三代  
敬珮蘭還及五夏賢

宋判書

名相琦字玉汝霽月堂宋尚書奎濂之長子於  
先君子外兄也 甫廟甲子登第為吏判大提  
學壬寅竄康津今年卒於謫所

清時憂國鬢成霜况復春循毒厲鄉先逝幾人回首  
羨故山松栢好歸巖

李熙卿

名緯李相國翻之孫外祖驪陽府院君 甫廟  
壬午登第為吏曹叅判早擅文名六七年來為  
養母恬退花田因有志於學問云壬寅其仲父  
判書公晚成及於禍將母隱于犇蹄令人甚欽  
羨

聞道花田避世深雪山杉桂獨叅尋如者五老峯前  
月應識先生永矢心

李弘述

德興大院君後裔 甫廟朝登武科為訓將刑  
判壬寅獄淫刑不服而死時年七十六竹醉公

嘗傳其臨刑輒呼曰世豈有為廷之李弘述乎  
竹醉嘗傳忍痛音此心元是死綏心稽山若遇凶奴  
迫終逐年不就擒

尹慤金時泰

尹進士弼商之子金進士盛久之子余之同宗  
兄也皆登武科尹擒戎使刑曹叅判金黃海兵  
使壬寅再逮不服而死尹被拷掠三年至甲辰  
春竟死於獄庶幾得生而其叔就商殺之云金  
無子有老母尹有三子

韓岳寧叅叛國謀東窓猶殺一人休忠魂會作山河

厲長衛 明陵共滅讐

去德明

德明閭巷人也以捕盜大將李弘述軍官壬寅逮獄凶黨欲使德明誣其主將淫刑而不屈竄海島旋又逮問妻孥兄弟要於路誘以利害萬端曰主將既死誣之何害德明瞋目叱之曰男兒死則死耳豈忍心知其寃而誣人圖生乎況我主將乎終不服而死彼以市井之流終能不誣固已奇矣及廿再逮也主將已死又施逆律則死生亦大矣宜可以圖全性命而毅然不少動此非出於一時慷慨可謂不失其本心之仁者也嗚呼使當日事君者皆知此義則國豈至此哉

損生非是貫高流自識男兒不義羞多小向來真學士誰人能免為身謀

李命龍

李叅判行進之庶徒孫伯父嘗愛之渠亦服勤禍慶日循更不離自八海至歸葬多賴其力凶黨惡之流黑山島

周旋嶺海死猶甘志節無慚鄭錦南碧水連天初日

出定瞻裳島淚長含

崔振暹

振暹咸吉道利城谷口驛吏竹醉公入富寧時  
寓其家及被禍妻兒以柩歸振暹率人馬縞巾  
迎哭磨雲嶺上引歸其家乃致奠哀不自勝留  
一日而送又助舁馬此異於生歸平生知舊無  
一人顧問而振暹特荒裔素不知一小吏耳乃  
能如此此由其惻怛之心不能自己而識非有  
徵於他日者豈但今世所罕哉余到登州寄書  
謝之贈薄幣

慷慨平時誓指天及夫臨寢盡恬然如何東魯多君

子有愧僉荒小吏賢

多一作諸

居士

姓崔長城士人金器夏奴也慕仰三洲叔父棄  
妻子從焉為人慤端靜一服勤二十年終始不  
辭叔父出山獨留山中經紀凡百甲午冬陪叔  
父在永矢庵誦經虎忽排戶噉之自是先生棄  
雪嶽移住谷雲

維摩一去雪山空從此先生道益窮每憶曉窓同侍  
處書聲和梵萬杉風

### 雄師

法名致雄從三洲先生於楓雪谷雲之間受學周易論語南華經先生嘗言其為人清明潔雅不喜浮誇有士君子之風晚年能知儒佛是非四十餘死先生為文哭之悼惜不置儒佛盜名紛似毛跡非心是也人豪真遊講易知何處碧海昆盧朗月高

### 李淳昌丈

名益命字謙叔時翁弟也官淳昌郡守壬寅春余謁踈翁於南海公出戶執手而八流淚被面始坐流光州甲辰再移吉州過余謫居一宿而去萬死之餘相持慟哭其哀可知

淚落南溟握手時此生重面未曾期登州短燭還如夢詎盡三年不盡悲

### 竹泉金丈

名鎮圭字達甫光城府院君萬基之第二子甫廟朝並魁大小科為禮曹判書大提學清名直節一世無雙而亦以此未嘗一日安於朝廷之上已巳謫巨濟島所居有竹塲甘泉之勝作記仍以自號壬寅春余八島中訪其遺墟居人

為指其處言謫居六年外人罕見其面五十九  
卒與先君子同庚而少時甚相善

禁闈常存澤畔容祇教餘事補山龍清泉脩竹依然  
在過海前年吊舊蹤

西川君

名禎 穆廟四世孫我外王考從姪也平生好  
古愛看書稱病罕出居家行義多賢士大夫所  
不及壬寅禍故時出郊躬唁慨然流涕踰嶺後  
又以一書相問似聞諸宗親皆叅凶疏公獨不  
進恐嚇紛紜而終不為之動云

翩翩濁世笑平原閑影逍遙獨樂園宗國憂深偏洒  
涕孰知孤節隱然尊

安負外丈

名統字子柔好古慷慨多識前言徃行嘗聚隣  
里親知子笈講授誘導豐、不倦余亦十二三  
歲時受學猥被期許流竄時出來石橋拳、慰  
送臨別忽握手笑曰他日汝當顯隆然慎勿為  
相也死河畏也嘗為進士六十始得一命遷刑  
曹佐郎而罷使治一縣必有可觀而今則已矣  
輪囷枵腹盡經綸不獨安貧邁古人白首銅章天不



許可憐無祿幾州民

雲岡臺

名時和字仲平仙源先生四世孫長先君子一  
 歲自幼遊諸父間而與先君子情好尤摯忻戚  
 靡不與共而禍變之際益賴其周旋已巳諸父  
 守廬永平山中公獨在京酬應諸家事曲盡其  
 誠六青軒洗心臺書籍舊物不至散逸者公之  
 力也六十四為甌山縣監卒於官

曾同憂樂我家偏諸父情如手足然故宅琴書誰復  
 管益思當日獨周旋

聾齋

名時保字士敬仙源先生四世孫水北叅判公  
 之曾孫自彌聾齋又號茅洲即楓溪主人也與  
 先君子同年生而居姪行然自幼遊諸父間若  
 兄弟然平生癖於詩非大故則未嘗廢焉三洲  
 叔父嘗笑謂先君子曰我朝多作詩恐無過於士  
 敬嘗為進士壬寅以青松府使歸卧結城介湖  
 近得一書幸無恙可知其日事吟哦也

六十年来萬首詩放翁吟後又公詩湖風短札飛窮  
 塞猶見孤懷未忘詩

趙尚州丈

名正萬字定而自號寤齋竹陰之曾孫魁進士  
與先君子同年壬寅以尚州牧使甌碧潼自幼  
從諸父遊而於先君子情好尤至昨年秋自謫  
所寄送延輓二十律歷叙齒齡以來周旋之事  
讀來不勝悲咽

先友人間獨我公鴨江霜髮又秋風哀鴻北海驚孤  
夢延輓擊時泣不窮

楊澄

浙江紹興府舜水人踰二橙客遊燕市先君子  
八燕時偶見於理藩員外郎趙華座上氣度有  
異歸後問於趙華知其為人以詩札往復求見  
先君子詩集作序以贈焉又寄示二橙集二卷  
要序文先君子命余製送頗加稱賞庚子士安  
八燕澄尚留北京又與士安唱和詩律文筆俱  
不俗蓋落魄不得志者也其故居去嚴灘不遠  
未知今已歸去否泉谷壁上約齋二字即其筆  
也

天地荒涼又劫灰神交萬里路悠哉何由一說肯中  
事共向桐江痛哭迴

程洪

字度容山海閩秀才先君子訪甬山寺有一少年讀書眉目清明氣度端雅問其姓名即程洪也歸後不能忘以書往復托契殊不淺每書來織悉懇曲如對語要聞先君子出處及所居山川勝致先君子作樅村庄記送示度容亦寄來詩文書畫極有才情法度年々使行九年不廢音墨禍故以後漠然不相聞今為四年矣悲夫先子平生少許心晚從幽薊得知音應因四載情書絕覺判存亡迸淚吟

乙巳自登州歸譯官申之溥言度容昨年訪見渠輩源濟曰稼

齋金老耶已辭世其兩子亦以禍故流落遠方云危可悲也趙文命八燕時訪見度容知其為先君子女婿寄送詠文香幣使祭于先君子墓其文出於烟幅丁未八月述書

疎齋

名頤命字養叔彌疎齋竹西公第三子寒圃相公從兄也 甫廟庚申登第丙寅重試官左議政己巳竄寧海壬申移南海辛丑冬又安置南海壬寅四月被逮到漢江遇禍是年春余自巨濟伯父謫中浮海謁公于柵棘中是夕士安自京至極論古今之變及告别公含淚曰何可復見於地上也余乃寬譬而歸終不復面公與伯

父一時逮來余為迎伯父走嶺南到烏嶺有一書而公不及見余歸漢上則公柩已南只見公烏中訣書至寃而不免昊天必復之語不覺抱書痛哭及流登州屢夢拜公豈吾妻奉未盡像與遺集而精神之寓在此故耶一日夢公口呼荅人書授余碁子綴而成字其中有四碁伸白之語未知其何謂也公生於 孝宗戊戌與先君子同庚

百代聲名仰履龜只無王董愧當時丹心照影魂交  
易不用江南宋玉辭

舅氏

諱杓字健仲封林原君外王考三十卒時舅氏十一歲我先妣九歲鞠於外曾祖陽寧君夫人洪氏同氣間友愛天至中年以後備享福祿為世所歆艷而壽踰七旬此誠舅氏淳德所致而天於先妣嗇施者抑獨何哉古人所謂不失赤子心出言猶恐傷人舅氏有焉然至是非之際甚晰嘗曰尤翁行事吾不能詳而要非程朱則安得無病痛然曾在癸亥 國恤此文入臨其氣度巖巖若山嶽一見可知其為正人君子所

謂尹拯吾不知其何狀而恐難吞噬其師一世  
多入其籠絡豈近於鄉愿耶流竄時跡拘城市  
不得拜訣而來今年承訃嶺外此恨曷既

為世憐虞餘七旬一心祀氣滿家春尚看皮裡陽秋  
在早辨馮公最賊仁

盛全叔

從高祖慶州府君庶曾孫自少養於吾家有俠  
氣喜急難重然諾見人諂屈欲唾其面常欲有  
為於世而淪老窮山困於饑寒可惜壬寅聞伯  
父遇禍之報出往尚州護柩而歸周旋渴奠今  
年又訪吾兄笏死生於嶺外其義可感

白首無成意氣豪脇尚有猶病夏畦勞四年哀抱逢君  
瀉七日邊城飲我醪

文化兄

名養謙字太冲三洲先生長子曾為文化縣監  
長余十九歲壬寅謫居三陟府道田村距其岳  
翁李察訪蕃所居至近惟賴李丈調濟而為生  
近聞長兒範行娶婦率往

嶺海湖閔恨不齊生涯獨羨道田村水翁繼送監河  
粟驥子迎來佐餽妻

文義兄

名致謙字若虛以三洲先生仲子出繼大宗壬寅免咥獨守石室曾為文義縣監長余十七歲天為先丘禁牧獨教宗子免羈囚遙憐五柳孤松裡默對寒燈集百憂

石室刻五柳孤四字充翁筆

敦甫兄

名厚謙以三洲先生季子出后季父長余六歲幼時甚聰穎有文才善讀書父兄期待壬寅流瑤山季母留交河不得同往諸謫中飢餒最甚盡日窺厨但啗齏楚騷非是卧素安燈前影伴髡毛小河上心懸寸草寒

文行

字士彬文義兄子強記文藝早成幼時為三洲叔父所期待

莫以年凶廢美田吾宗文獻爾堪傳華陰萬卷生花盞可惜松風日似年

松風亭名

益謙

從叔父成川公庶子聰慧能解經旨淫渭甚明但欠確操余八北並絕親知書問獨許益謙寄聲書辭妙絕無異對話其兄最謙亦良善早死

可惜

人物吾門若曉星不圖於庶有寧馨嚶鳴末路無求  
處對爾何年討古經

卑謙兄弟

身未冠兄  
名石蒙

兄弟同流嘉山庶母隨往今春卑謙寓所居山  
川寄來

一幅圖閑宛對顏風烟移送鳳頭山先人志事曾無  
迷末藝猶慚爾欲攀

士三

名省行竹醉公長子少余三歲長於幹事志氣  
所向若可移山壬寅自巨濟被逮備受拷掠至  
死不少動見者莫不毅之竹醉公同八宰狴目  
見其始終死數日顏色若生有一子伯父臨命

名曰履長

榮辱關頭自判明視身奚翅土直輕父未救兒兒顧  
父鬼神應泣此時情

峻行達行坦行

峻字德仲達字修甫坦未冠皆竹醉公子峻虛  
懷羨風儀出后彥明從兄免坐寓清風達有氣  
多才藝自富寧將母隨櫬而來到安邊分流歎

谷時仲氏亦竄此邑同居坦岐處與其妹隨母  
同屬錦山郡

此日餘生捨僂人芬華念劫前身吾家孝友兼清  
台八百年来繼述真

元行

字伯春竹醉公第三子出后觀復兄免坐貞固  
好義論然心有禍滯處文藝早成弱冠前占進  
士方與所后母往留錦山宋夫人謫所書未知  
其不廢讀書其意可尚

莫恨身名草木歸只明吾道是耶非曾聞為學無多  
法一實千虛在慎幾

由行

伯氏晚得由行嘗撫頂曰汝父則已矣汝必多  
讀書早蜚英祠宇丘墓故宅書籍獨委於此兒  
而近得書病深多寓他人家每一念至不覺淚  
落

心基花石石郊田舊物將來付嶺然祗恐家聲從此  
墜莫教圖籍散如烟

鳳祥

士安之子士安死時戒讀程朱書壬寅五月初



九日與其祖母母氏隨士安柩南下湖西竹谷  
余延到銅雀津握手痛哭而遂不復見

昏昏漠漠復昏昏誰遣巫陽喚爾魂此夜微風驚起  
吐鶴城西畔海波喧

### 老嫗

姓韓名末禮外曾王母洪夫人侍女保姆先妣  
夙夜服勤已巳禍變吾家入求平嫗獨侍先君  
子養家祠宇留心臺以時節供祭祀及先妣下  
世伯嫂禠亡伯氏又貞疾嫗遂幹家事吾三兄  
弟及趙娣皆被其保養末年專護伯氏自煎藥  
勸飯以至箒糞之役靡不盡誠不解衣盱食者  
十餘年於不示倦意伯氏歿又救趙娣之病娣  
歿往趙文命家供朝夕饋奠哭泣半年餘困凍  
餒病死以其孺也吾兄弟亦不得躬視棺歛念  
其忠順勤勞未有毫分之酬每怛然腸結嫗生  
於崇禎丁丑死於 甫廟辛卯得年七十五三  
淵叔父嘗欲作傳示後世而不能成此亦嫗之  
窮也夫

一片丹忱死豈休永慚息勞不曾酬兒孫世世須無  
忘此是吾家女武侯

乳母

先妣女奴名勝玉癸酉先妣命鞠余余生二十一日先妣見背勝玉感念先妣之恩竭誠護養以至有室嘗得悍夫枉死勝玉年纔三十餘先君子命改嫁而不肯聽終守苦節嘗日望余顯隆而今則已矣有一女遠嫁閩西武夫獨守泉谷空屋已三年哀哉

金章玉珮祝余心直自呱呱待至今萬事都非華屋冷白頭生別二盈襟

季母

十八寡我家全盛時獨委苦壘晝哭遣日既遭已巳之歲又見壬寅兩家酷禍在季母均為至痛而以其兄寒園公充不欲生子厚諫坐流珍山貧不能回往方獨滯交河日夜叫天

冥冥矮屋但哀呼天地無情眼已枯五十年間經百釁欲寬冤肚一辭無

外姑

夫人常痛大人西浦公卒于南海梅棘中又見壬寅之禍禍初欲自盡余無以為解乃泣曰夫人死則鳳祥亦不可保今日此亦不可以為解

矣方隨子婦孫婦流扶安每得手書不忍再讀  
 甫廟賓天日夫人謂余曰我竊願 嗣王明  
 聖高出百王否則領相有周召之賢斯言仁厚  
 惻怛亦宜蒙上天之佑而至此極者何哉

三從奇禍古無聞天道茫茫可復論哭似嬰兒餘縷  
 息楚江烟雨暗孤村

鳳內

竹醉公長女十五嫁姪一年遭壬寅之難本家  
 舅家三世及禍其情境古今一人與其姑鄭屬  
 扶安郡余被竄前一月陪外姑往其寓歸時哭  
 如失恬不忍見

羸形短鬢五公史萬古哀應似汝無遙知海曲魚蝦  
 市密遣兒鬣又賣珠

雄甲

雄十歲甲七歲皆受學甲最穎邁今日余願溘  
 然而惟此輩係念

里骨靡荒詎敢辭讀書種子有雙兒偏憐渠輩真無  
 罪每見呼飢淚欲滋

室人

八北時到鐵嶺巔少憩回望故國關山無極俯

視登州一氣慘憺上下諸人一時墮淚甲兒忽  
索飯而啣余摘山查以慰娛曰此行何如少陵  
八蜀室人曰杜老時海內同難東西南北惟意  
欲生豈若今日之行哉斯言悲矣不知何日能  
復向此嶺歸故山飲啄自在否

寒風落木共蕭蕭鐵騎歸雲故國遙實愧君生由我  
苦鈞門行色羨飄飄

自詠

余自今年鬢髮始白幾何而忘此悲也但恨不  
曾力學孤負師父之訓耳

秋來日角<sub>亦</sub>遊辭滯世頑軀轉覺悲種菊餐霞猶有  
氣此心<sub>遠</sub>非後人知